





倍鄭程氏教本錄序



嘗觀士生於世其才質俱下  
不之與立也顧多混處俗流  
上無所傳授下無所矜式而  
弗克自振其能知本本乎源  
人本乎祖而究其流派之來  
世系之傳者幾何人哉余家



程氏始自伯符受姓傳至東  
晉元譚公來守新安有德致  
百姓請留賜第於歙因家焉  
自是厥後若靈洗公父子之  
建功于梁陳澧淘公昆季之  
著名于唐皆歷歷可考吾倍  
郭之程自兵馬統帥都使澧

公次子南節公因外家趙氏  
遷居邑垂五百餘年中經兵  
燹譜乘不無有失祖巽卿公  
乃續摘枝圖亦惟錄其本支  
而已永樂間余入邑庠從日  
攷張先生習舉子業先生首  
為之序迄今又四十餘年居



家侍養成化丙申之暇因閱  
舊譜慨先世隆替不常隱顯  
或異而譜中所載未盡其詳  
乃重加修輯訂次名之曰敦  
本錄以示吾子孫俾有所考  
據而庶幾其興起焉嗚呼推  
本返始君子所以尊祖敬宗

以重夫故家文獻者在是也  
豺獾皆知而况於人乎為吾  
後嗣者果能不負吾命名之  
意前乎數千百年之已往考  
其封植之源後乎數千百年  
之方來驗其流衍之澤才者  
之所勸勵而不才者知所懲



戒必思無忝先德以充厥宗  
則其本日以敦而族日以盛  
矣尚為我祖宗世勗之哉  
成化丙申<sup>十一年</sup>春二月望後南節  
公嗣孫亨謹序



倍郭程氏敦本錄凡例

一姓以紀其所自出氏以別其所自分此譜之所由  
作夫誇高銜美者必起於踈遠讀書者少豈能知  
作譜之意哉修譜者宜以為戒吾程氏出自重黎  
之後至伯符錫土賜姓上下相傳迄今二三十年  
凡幾朝代譜須得其源祖述前人而修方克成編  
毋容假臆度於其間也如會里尚書大昌公祇五  
世起其所知有初譜森譜必自祖父孫三世之考  
嗟乎吾家倍郭之派乃漢祖之後紀系所存有源  
流紀實總要慶源集具載吾祖巽卿公所續蓋一  
家之書於程氏如海水之一掬爾若以為吾譜一



出即占斷源流雖不免貽大方之笑是亦不蔽善而為名教之助云

一世次為明昭穆而設按歐陽公上自高祖下止玄孫而別為世上承下繫九世再別而九族之親備吾程氏世有文人而譜按時修輯自伯符歷世以來世次小傳俱備是皆尊祖之要今是錄從元譚祖來守新安吾郡著姓之始自公以下系以世次小傳自公以上不註世次小傳總立為統系圖簡略以便觀覽也

一書名按吾祖巽卿公所續摘枝譜祇敦本支徇各親其親之道吾程氏子姓蕃衍散處各郡者不載有會通譜具載可見今是錄按朱子自己身以上稱公已身以下註名自吾至高祖仕不仕有善行生某年月日歿某年月日壽年幾葬某處娶某女子幾盡書而他略之何也別親疎分遠近尊吾所出詳之非敢戾其法云

一列圖古者有大宗有小宗別子為祖繼別為宗百世不遷者大宗也繼禰繼祖繼曾繼高祖五世即遷者小宗也族人兄弟列圖位次依嫡庶順列如孟仲季三兄弟孟為嫡而仲季為庶列為三圖先列孟房宗支于第一圖次列仲房宗支于第二圖又次列季房宗支于第三圖若此列之使昭穆有



序而不紊嫡庶有別而不淆然宗法之建有大宗一而無小宗有小宗而無大宗有小宗而有大宗一宗出乎一族一族出乎一家一家出乎一人此萬世倫理之常道也

一誥命碑記傳序行狀墓誌跋贊題詠齋室軒堂圖畫詩文有闕世教有益氏族者依類不限倫紀附錄左方及有與賢士大夫往來倡和亦錄之為後人張本云

一敦本錄子孫毋許私假恐致溷亂宗譜如違族衆譴之

一各處墳塋子孫遵守拜掃條約毋違是為至願

### 倍郭程氏摘枝譜序

吾家居自篁墩值黃巢亂鄉族解散民無定居衆推湮祖為東密巖將與弟淘戮力保全得以相聚後奉朝命加兵馬統帥檢校御史中丞依前東密巖將兼馬金嶺防拓等事夫人趙氏子三仲節南節仲繁皆從禦寇時平濶卒光化庚申仲節南節同母舅趙琦始歸古城明年天復改元辛酉南節自古城遷倍郭娶曹氏生炳炳生藻藻生承訓承訓生繼學繼學生子華子華生汝富汝富生鳳鳳生光祖光祖生蘊蘊則彌之曾祖也祖嘗有言初居倍郭人烟荒落荆榛塞途始有正基三間餘地三間聊創室宇以宅廢居棄弓劍外餘無所有惟忠



壯真像一圖譜牒紀畧一冊僅存於此而御史中丞遺  
容一軸則古城仲節之處所收况思舅氏之恩一言難  
盡者矣自後更歷五季及宋四百餘年至延祐間必達  
之子士龍僉業原字一等正地一間餘地一號奈以居  
民漸多遂成市井但知習尚賈術讀書者少又未有大  
顯宦不以宗譜為心由是家譜失於兵燹僅得源流紀  
實總要摘枝圖系不敢妄自增損以求旁通遠引常悒  
悒不樂偶得會里族人天經字象賢者載慶源集云松  
蘿倍郭南節公一枝出澗公之後綿綿延延及槐塘丞  
相元鳳所撰古城宗祖墓碑銘存而未泯此吾晉驃騎  
將軍孝長深以三世不修譜為戒是之謂也吾今未及

遍攷但紀吾本支之所出者餘分東西南北雖有可證  
亦弗暇錄非曰率畧奈吾老何惟先君太古翁所求東  
阜先生文章并其所識謹不敢忘不幸丁元之季挈家  
避於西鄉田舍間全活老稚而已忤逢

聖皇掃清寰宇得以全復倍郭舊居抑何幸耳碌碌至  
此其譜中所續者繼闕焉所著敦本堂記拒虜記援隣  
記學古說等篇多致散逸撫此徒抱悒悒者耶然而繼  
繼繩繩深有聖於後之來者嗣而葺之庶乎先德之不  
朽云爾

洪武四年辛亥三月上浣倍郭南節公嗣孫遜卿拜書



倍郭程氏敦本錄序

休寧為新安首邑俗尚儒雅世家大族於譜尤注意焉  
若倍郭程氏之譜名曰敦本錄者獨得其要裔孫文通  
承尊府士永公之命携以請序余閱舊譜何其詳敦本  
錄何其略曰程姓由伯符仕周得國於程因以為氏源  
遠流長支派迭分以有限之楮墨欲盡無窮之端緒不  
可得也老泉先生謂譜吾所自出也使見而聞者莫不  
興起舉親其親之道不亦激勸之一助云余曰若然則  
敦本錄得之矣推流溯源而上十八世則兵馬統帥檢  
校御史中丞澧公也又推而上十四世則鎮西將軍開  
府儀同三司忠壯公靈洗也靈洗以武功顯于梁陳間



拒侯景平徐嗣徽破王琳走周迪敗華皎降元定進克  
周沔州擒裴寬功烈烜赫與周文郁侯安都方漢三傑  
配享武帝廟庭祠祀黃墩八十三社又推而上十四世  
則新安太守元譚公也自北而南為新安始祖又推而  
上則忠翼彊濟公嬰以及伯符也雖然文通所錄由南  
節公遷倍郭始可謂上之有源下之有委世以著系系  
以著名詳而不煩畧而不失美哉是錄不妄援不濫接  
信其所可信傳其所可傳視郭崇韜拜汾王墓狄武襄  
却梁公誥者遠矣遂書是為後來規鑒且以荅公之請  
永樂二十年龍集壬寅孟春休寧縣儒學教諭泰和張  
日孜序

程姓源流紀實總要

凡修世譜求真闢偽要識姓氏疏本源達枝派使後世  
法而已矣要辨世系理逆順別親疎使後世明而已矣  
要表人物立功德行忠孝使後世效而已矣法則祖代  
有由苗裔有傳歷歷然矣明則昭穆有序遠近有分繩  
繩然矣效則名節有績致竭有道彰彰然矣此三者之  
總要乃百世之龜鑑君子修譜以此紀實則醜類卑族  
安得而混之哉古者姓氏出於上易明程氏本風姓出  
自黃帝重黎之後高辛時為天地官歷唐虞夏商世叙  
天地由伯符受封廣平遂開程國子孫因程為姓周宣  
王時有程伯休父為大司馬詳詩常武九世至德邈子



一嬰周定王十年晉屠岸賈矯殺趙朔于下宮嬰與杵  
臼有存孤全趙之義封忠誠君歷朝屢勅加封忠濟王  
劉後村詩云賢矣兩家臣存孤極苦辛後來有曹馬亦  
是受遺人子四伯丕伯先伯桃伯恭各封君伯先子二  
叔畢叔本叔本學通墳典禱乘號程子孔子遭於郊途  
傾蓋而語終日顧子路取束帛贈先生七世至瑋仕孝  
成王爲典謁孫珍和贈太中大夫子黑以趙衛將軍漢  
王三年擊項羽攻臧荼有功封歷侯謚簡孫元則仕漢  
廣平守有廉名景帝封陽陵侯子玄通武帝擢關內侯  
孫泰元成間與匡衡繼相勸上用閔闕大考姓聖崔琳  
爲進上曰臣觀程氏世譜氏姓州郡皆上詔泰襲廣平

侯孫君縉仕孝平時彭城守封亭侯子文爽仕東漢河  
東下邳彭城三郡守子三隆集寵寵爲信威將軍轉江  
州刺史孫昊受學陳蕃馬融仕弘農守子二伯盛伯弘  
伯盛行武陵守子三超績奢奢仕魏雍州刺史封漢陽  
侯子元起元昱起辟青州司馬昱字仲德少有文名身  
表異衆仕魏武功勳顯奕表東平相謂昱之膽過於賁  
育拜奮武將軍封安鄉侯食邑八百戶重封武陵侯卒  
贈車騎將軍謚肅侯子建領東郡守封列侯子曉仕汝  
南守子智徹仕西晉爲信武將軍子延咸寧中拜驃騎  
將軍子二恢牧牧爲成都王左司馬子二元標元譚標  
孝愍帝爲長水校尉譚爲鎮東軍謀晉王初即位遣周



玘為會稽都尉顧榮為豫章都尉分兵定東土太興三年新定東陽信安六郡底安假節行新安太守有德政代還百姓遮道請留卒不得去帝聞嘉之詔賜田宅因家于歙程姓始著新安子二彪超超為征南軍諮議子二榮馮馮咸康中授衛尉轉零陵守子三廣信豐豐升平中仕嘉興令子三景通景平景秀景秀太元間除荊州別駕子五元鎮元歆元雅元寔元政元政宋祖起兵拜領軍長史有奇功賜爵關內侯子八寶昂寶明寶俊寶雲寶貴寶慈寶儉寶謙寶雲字天祚仕晉征北府曹曹史轉參軍擢將軍助鎮彭城文帝遣戰功大加輔國將軍六世至寶惠梁武時蕭隱辟為義曹子五靈洗伯

當天慶天願天旺靈洗字元滌器重寬惠眾所畏伏呂湖蜃為民害湖神感夢于公與戰求助公率少年至湖側挽弓中蜃夕有巨魚死吉陽灘下即蜃也數日有黃冠扣門謝能卜地暴貴公為太夫人壽塋梁大寶間侯景之亂公嘯徒以拒景湘西侯蕭隱依焉公奉以主盟景不得陸梁平徐嗣徽破王琳走周迪敗華皎降元定克周沔州擒裴寬承聖間除雲麾常侍建威將軍累遷巴丘縣侯食邑一千戶陳受梁禪為佐命功臣與周文育侯安都號為三傑廢帝即位進號雲麾將軍功封重安縣公增食邑并前二千戶卒贈鎮西將軍開府儀同三司謚忠壯詔配享武帝廟庭鄉人懷德立祠祀之嘉定



間勅賜廟額曰世忠寶慶淳祐寶祐泰定間屢勅加封  
忠烈顯惠靈順善應王公配董氏德祐間勅封惠懿夫  
人子二十二文季文禎文華文慎文察文秀文和文恭  
文幹文翼文曾文肅文奇文謹文養文愷文瑤文琮文  
藻文震文曉文瓚文季多幹畧果決有父風從父征討  
有功襲公爵歷官安遠將軍都督北徐仁州諸軍事北  
討呂梁忠死贈故重安威悼侯復開府儀同三司還爵  
為公子十二真嚮敬琳俊禹廉思璫同猷元至德間封  
子嚮襲重安縣開國侯禎明中領兵戍京口丞相張悌  
素與儀同不相平言於後主罷兵歸朝隋陳更變七世  
至季隨登李麟榜進士為太平軍叅軍韓滉鎮金陵奏

為監察御史轉殿中侍御六世至珎字席儒通春秋國  
策兵法遭時否有不遇真主之嘆高駢周保皆招不赴  
子八洎吐渾澤澧湘洵汾澧字仁功英敏剛毅禦巢寇  
衆推公為巖將保全鄉國功蓋當時命加副兵馬統帥  
檢校御史中丞依前東密巖將號曰都使聲振江南夫  
人趙氏子三仲節南節仲繁仲節南節從父征賊為前  
鋒人稱其真將種也賊平澧亦隨卒兄弟思復黃墩故  
宅被賊恨焚無存寄居從叔況之家未幾夫人弟趙琦  
依澧平賊已息絆其二甥仲節南節以回時光化庚申  
至古城北夙湖乃琦舊家仲節定居於此南節卜居倍  
郭娶曹氏子二懋文懋嘗諭其二子蒲藻言汝祖南節



公謂程門世產豪傑忠義馳名謹當確守勿墜門風為  
子孫者各奉訓誨八世至光廷光祖光廷字朝聖文武  
兼備宋嘉定鄭自誠榜進士擢尉羅山攝縣事金虜犯  
境公屢戰屢克使虜如失穴之鼠老稚欣躍請公記為  
縣有拒虜記虜又犯光山公董兵赴援有援隣記趙方  
奏改京秩知羅山縣虜窺蘄黃方奏辟節制三關部軍  
策應歿於王事誥贈朝奉郎光祖字世聖希聖賢之學  
負匡時之策未展所蘊試禮部為辰州學正今其玄孫  
太古綽有祖風持譜謀請予言因閱程氏世譜謹嚴詳  
備遂纂程姓源流紀實總要使以為子孫者識姓氏疏  
本源達枝派辨世系理逆順別親疎表人物立功德行

元

忠孝大綱槩舉而鑒戒昭矣衆目畢張而幾微著矣詩  
云無忝爾祖聿修厥德尚期勉之  
天曆戊辰元四月聖後東阜老人陳櫟書



倍郭程氏敦本錄目錄

卷之上

圖

統系圖

自伯符公起至元譚公

世系圖

自元譚公起至本枝

卷之下

誥勅

程嬰追封成信侯誥

賜祚德廟額勅黃

翊德真人誥

忠節成信侯誥



疆濟公誥

忠翼疆濟公誥

忠濟王誥

忠壯公遠祖元譚追封忠佑公誥

褒諭雲麾將軍程靈洗討華皎詔

賜世忠廟額勅黃

忠壯公程靈洗追封廣烈侯誥

廣烈孚佑侯誥

廣烈孚佑顯應侯誥

廣烈孚佑顯應忠惠侯誥

忠烈顯惠公誥

忠烈顯惠靈順善應公誥

惠懿夫人誥

忠烈顯惠靈順善應王宣命

忠烈王勅牒

欽降祝文

散騎常侍程文季子嚮襲封重安縣侯誥

重安威悼侯程文季贈官追封誥

忠護侯誥

羅山知縣程光廷加贈追封誥

碑記

晉新安太守墓記



忠杜公廟碑記

新安世忠廟記

羅山拒虜記

休寧古城宗祖墓碑

安分容齋記

上山佳城記

友雲樓記

歲寒三友記

春風堂記

傳

陳程靈洗本傳

程文季附傳

程雲都使傳

程隱士傳

序

壽文美公序

贈耆德程君文用序

壽文用公序

壽友雲先生序

壽程君文通序

壽以清程公序

家藏文墨序



松蘿清隱序

行狀

明故處士文美程公行狀

故逸士文用程公行狀

故友雲程先生行狀

墓表銘

故處士文美程公墓表

故逸士文用程公墓誌銘

故友雲程先生墓誌銘

跋

倍郭摘枝譜後跋

書摘枝譜後

標掛冢墓文款

書

與表弟程光廷書

復程太古書

贊

開程國伯符祖贊

周大司程伯休父祖贊

趙忠誠君嬰祖贊

漢衛將軍歷侯謚簡黑祖贊

東晉新安太守元譚祖贊



梁將軍忠壯公積封忠烈王靈洗祖贊

唐御史中丞都使濬祖贊

唐南節祖贊

文用程公贊

友雲先生贊

友雲先生賢配汪氏贊

詩

題程嬰公孫杵臼

題趙忠誠君墓

篁墩十二景

寄兄羅山知縣光廷

和弟光祖見寄

山水圖為遜卿題

純扇圖

竹溪六逸圖為文用題

寫瓶梅贈友雲

送友雲程先生歸休寧

初門山行漫興

奉和郡守周侯前韻

寄程文通先生

友雲樓

奉清軍王侍御



寄友雲程先生

奉尚書程公征南奏捷詩二

奉廉憲柯公

次韻送邑令陳公

上辭鄉飲

家藏文墨卷為德輝題

春風堂卷為萬鍾題

送程萬春完務還鄉

題安分容齋卷

梅雀圖

贈程璽

古風長短篇

伏日

紈扇圖

掃蟲笏

山水圖

安分容齋

友雲樓卷為文通題

縣尹陳侯下訪

送程璽還徽州

歌

避兵田舍感嘆歌



安分容和歌

山水圖歌

商山四皓圖歌

賦

上山佳城賦

挽詩

程母鄭氏挽詩并序

逸士文用程公挽詩并序

友雲程先生挽詩并序

倍郭程氏敦本錄目錄終

篁墩

地在縣東南五十一里東晉以來地屬海陽海寧至隋東晉大業中改海寧為休寧歷宋地屬歙邑事詳海寧志

元譚公守新安有善政當代郡民請留賜第

居此至梁將軍忠壯靈洗公起義兵禦侯景

之亂鄉郡懷德立祠祀之唐季黃巢擾攘所

過聞黃名者無犯當時士民避患改篁為黃

衆推濬公為東密巖將以禦巢寇保障一方

於時草寇蓬起濬公父子力戰克之隣近巖

寨悉皆破亡寇平濬卒其子仲節南節思復

故址第宇無遺時光化庚申因同母舅而歸

古城明年南節遷倍郭遂定所居今作圖以

表遷居宅里爾









博野方輿圖

北

松蘿山

吉城

吉城岩

南



# 敦本歷世遷居圖

洛州

伯行公居之  
始封廣平郡

絳州

忠誠君嬰  
公居之

東阿

高休之  
公居之

新安

元譚公持  
節行新安  
太守

黃墩

太守元譚公代還  
百姓請留認賜田  
宅於黃墩十三世  
生忠壯公靈洗又  
十四世生都使公灑

古城

仲節公居之

倍郭

南節公居之

善和

仲繁公居之

中山河南

大興  
兩李  
居之

監渡  
敬卿公居之

唐源  
文遠公居之

典村  
文道公居之



東晉新安太守元譚公



元譚祖宋追封忠佑公

於赫皇祖

顯于成周

受封程國

得姓源流

廣平奕葉

播厥嘉猷

爰自元譚

五馬南遊

為晉太守

則古諸侯

德被生民

受代請留

遂家古歙

延蔓南州

餘芳賸馥

萬載千秋

倍郭嗣孫 亨拜贊



陳重安縣開國公靈洗公



靈洗祖陳謚忠杜公宋元屢封忠烈顯惠靈順善應王

猗歟儀同

人中之傑

射蜃呂湖

為民除孽

侯景犯京

奮起巖穴

赫然振聲

奸雄心懾

僧辨鎮防

戰屢告捷

平徐嗣徽

匹休前烈

西討王琳

義勇冠絕

垂示無窮

盛德大業

子孫流芳

千枝萬葉

廟食黃墩

英靈不滅

八字封王

龍光燁燁

於斯萬年

天行日月

倍郭嗣孫 亨拜贊



唐兵馬統帥御史中丞澧公



澧祖唐歙州副兵馬統帥檢校御史中丞依前東密巖  
將無馬金嶺防拓等事

生于唐季

特立卓然

黃巢別部

蟻附腥膻

起義保障

東密之巔

草寇七姓

舉皆降焉

大尉行密

遣使造前

單騎以見

致敬如天

奏為統帥

勅下日邊

東南列土

民命保全

丹心白髮

乞解兵權

南節貽嗣

倍郭是遷

揚芳邁烈

子孫綿綿

事載郡志

百世其傳

倍郭嗣孫 亨拜贊



倍郭始祖南節公



南節祖於天復辛酉始遷倍郭

國伯之後

廣平之傳

太守而來

南國蔓延

如水布地

如星麗天

明明我祖

倍郭是遷

爰棄弓矢

大隱市廛

流風餘澤

光啓後賢

嗣孫 亨拜贊



宋知羅山縣光廷公



光廷祖字朝聖知羅山縣虜窺斬黃趙方奏辟節制三關部軍策應歿於王事誥贈朝奉郎

維光廷祖 允為朝聖 文武全才 一時推尚

嘉定賓興 名登天榜 出宰羅山 金虜寇黨

乃嚴駟鐵 屢戰屢捷 金酋竄奔 如鼠失穴

繼戰光山 賊黨誅殘 拒虜援鄰 二記親剛

忠歿三關 紫誥封頒 光前啓後 百世不刊

嗣孫 亭 拜贊



宋辰州學正光祖公



光祖祖希聖賢之學負匡時之策未展所蘊試禮部為辰州學正

於穆光祖

維時繩武

景星鳳凰

人爭快觀

志在匡時

學希賢聖

試賅禮闈

辰州學正

弘施化雨

大振文風

淵源有自

伊洛攸同

嗟嗟後裔

承休效績

拜陳贊辭

永昭無斁

嗣孫亨拜贊



元隱士遜卿公



遜卿祖當元季天下變亂隱居書安分容和于坐隅以  
警保全楓林朱學士為記以表其志焉

仰維祖曾 偉哉良器 時乎不辰 胡元叔世

知變識機 保身遜迹 隱居田廬 扁曰容和

動朱學士之鑒賞 藐金僉使之不智 幸際

大明 天開地闢 扶老携幼 復居城市

經之營之 為子孫計 七十三春 間闕萬億

德有未施 才有未試 載仰載瞻 不勝流涕

孫亨拜贊



倍郭程氏敦本錄卷之上

南節公嗣孫亨重輯

程自伯符得國於程始封程國因程為姓  
出廣平世居河北之洺州至元譚公四十五  
世總立為統系圖

伯符得姓祖廩丁

仲任

子臧

休父  
周大司馬

仲辛

黑肱

君識

應  
公龕



撫

思陵

德邈

嬰

按存趙孤  
封忠誠君

伯丕  
伯先  
伯桃  
伯恭

叔畢

會

叔本

字子華孔子傾蓋  
而語終日

繁 括 辨

叔虎

景遂

述

彪

邈

字元叔為秦御史

珎和

黑

為衛將  
軍襄王三  
年擊項羽  
攻臧荼有  
功封歷侯  
謚簡

遠

仕魏平林明

璋

仕齊成王為  
典屬

愨

愿

釐

元則

仕齊為廣  
平太守

玄通

翔

泰

元成間詔  
襲廣平侯

肇

元嘉

保



康 永

君縉

嘉平中為女  
太守封安  
亭侯

文尚

文榮

仕後漢為河東  
下邳彭城三郡  
太守

孝隆

孝集

孝寵

公似

吳

伯盛

伯弘

紹

績

奢

仕魏為雁門太守  
封侯

元起

元昇

仕魏為功勳  
封侯

武

富

建

領東郡守  
封侯

曉

嘉平中為  
汝南太守

智遠

智徹

仕西晉為  
信武將軍

咸

衛

延

恢

牧

為成樂主  
左司馬

元標為長水校尉

元譚為新安

按譜自伯符受姓至忠誠君嬰十四世至太  
中大夫珣和二十四世至廣平侯泰三十世  
至肅侯元昱三十九世至新安太守元譚四



十五世至輔國將軍寶雲五十一世至忠壯公靈洗五十八世至都督季隨六十六世至兵馬統帥檢校御史中丞灃七十二世至羅山縣知縣光廷辰州學正光祖八十一世至巽卿八十七世是為流派之傳永焉

程得國為姓自伯符世居河北聖出廣平至東晉元譚公渡江南北持節行新安太守及代百姓請留詔賜田宅因家焉程姓始著新安自公立以世次列之





一世

元譚公牧公次子為鎮東軍謀大興三年持節行新安太守綏輯流民疏通畎澮教民孝悌舉俊造於朝人民大悅永昌元年代還百姓遮道請留卒不得發詔褒嘉之賜子孫田宅於篁墩子二彪超

二世

超公元譚公次子辟庾亮征西尉後轉謝尚征南軍諮議詔為寧遠護軍安集番禺子二榮馮

三世

馮公字弘記超公次子身長八尺有勇力補尚輦直咸康八年以功授衛尉明年遷合浦太守轉零陵

太守子三廣信豐

四世


豐公馮公季子為庾冰司馬升平中為嘉興令桓温北伐至河滑以為陳留內史守渙枋頭之後子三景通景平景秀

五世

景秀公豐公季子除荊州別駕子五元鎮事謝安為騎參軍元歆為餘杭令元雅學顧愷之畫極知名元寔宋高祖平蜀為巴西太守元政



六世  
七世  
八世  
九世



六世

元政公景秀公五子宋祖起兵公為內應遂斬修從  
 討桓玄迎安帝有功擊盧循徐道復拜領軍長史  
 高祖愛之表以自隨下廣固入長安悉領中軍候  
 連轉新安建安二郡初餘杭卜祖有武幹與元雅  
 元政有舊薦之征伐累有奇功賜爵關內侯其子  
 卜天與亦善射高祖由是愛其知人宋主建國擢  
 公為左司馬後事迫禪代以諫忤旨出為豫章太  
 守性慷慨喜功名子八寶昂寶明寶俊寶雲寶貴  
 寶慈寶儉寶謙

七世



寶雲公字天祚元政公四子晉末丹徒尹謝靈請為  
功曹及豫章以開宋功不及侯高祖念其孤特弟  
寶慈寶謙已拂塵表諸子多早亡唯公及寶貴存  
召公為虎賁中郎將復為句容令代還會有變兄  
弟皆自引去築室曲阿若將終身焉元嘉十二年  
復召為征北府曹曹史轉本府參軍擢殿中將軍  
助鎮彭城文帝詔劉泰之五人各領一軍又遣公  
以本號督戰至譙城更簡閱得精騎千一百匹直  
向汝陽虜不意竒兵從北來大營在汝陽北去城  
三里許公督諸軍銜枚至虜尚未知襲殺三千餘  
人燒其輜重諸大主帥悉殺之虜衆奔走因追之

行已經日人馬疲倦引兵還至汝南城內有虜一  
幢主馬步可五百登城望之知公等無後繼又有  
別帥自虎牢至因引出擊公等會軍未食且戰疲  
未及結陣五軍大潰公馬蹶朽株虜環而刺之身  
被八九創力戰不屈太武自後遽傳旨勅曰天祚  
驍將也忠義可惜即令引見親為裹瘡撫慰之曰  
士貴立名後世耳亦何南北之異公曰亡因何足  
以辱至尊誓展筋力以答今日之遇異時死正首  
丘尚冀哀憐太武曰聞卿有弟亦足心力可來事  
我不公曰臣弟鐵石心人也彼病臣不能死節汗  
辱門戶肯因臣奉詔太武曰吾終當招之是時世



祖以鎮軍收徐州太尉江夏王義恭總督共城守  
太武遣尚書李孝伯與城中相聞求簾等物因謂  
曰致意安北程天福一箇常人誠知非宋朝之美  
近汝陽身被八九創落在殿階我手牽而出之凡  
人骨肉分張並思集聚輒以語之但其弟若辭今  
令來彼相見天福越次以對使者曰吾兄受命汝  
陽不能效節各在一國又何須相見耶孝伯還奏  
其語太武咨歎曰人事不應如是耶公少通方書  
妙於鍼術太武寵待之或與同車出入常不離側  
封為南安公大臣切諫以為異國之人不可測太  
武曰渠自吉士朕保信之矣二十八年太武北還

道中偶沉醉公偽若受使督功後軍者所至輒行  
輕罰公雅為太武所信其羣下並畏服之莫敢誰  
何因得南歸詔擢山陽內史三十年元凶弒逆世  
祖自江陵入討公以兵迎降帝引見勞問公垂泣  
伏地曰彼蒼不吊先皇遽罹非命痛貫人鬼黔黎  
崩隕殿下義不同天建瓴東下四方征鎮誰敢不  
從三靈五祀實懷助順臣聞兵貴以拙速未觀巧  
之遲也願殿下縞素即戎兼途倍進大耻畢雪罪  
人斯得臣不勝憤悱帝為之動容徐曰卿功臣之  
胤今國至此卿謂吾事其濟矣乎且吾夢徵不祥  
我甚疑之公對曰以順討逆何徵於夢徵顯同憤



何疑於行大王斷之中心無以疑二而隳大功虧  
純孝也帝大悅以公為龍驤將軍行叅軍事命柳  
元景為先鋒十三軍皆隸焉又命臧質薛安都分  
兵掎接元景至新亭依山建壘東西據險帝又命  
公率衆赴之公據於東南高丘屯砦未立為元凶  
衆所摧元景悉遣驍銳助公砦乃得立臧質自白  
下步陳兵元凶先遣腹心守閭闔門及蕭斌之降  
也門遂不守衆潰奔入殿公及安都之衆已入臧  
質亦自廣莫入兵合於太極殿前執元凶平京師  
即帝位論功封安都男為歷陽太守孝建元年魯  
爽挾臧質義宣反爽遣將鄭德玄成大峴德玄前

鋒楊湖率輕兵向歷陽時薛安都分遣宗越及公  
逆擊破之事平為永嘉內史代還大明元年加輔  
國將軍復為山陽內史明年竟陵王誕以廣陵反  
沈慶之督諸將圍誕公以驍騎從力戰悉擒斬之  
積前後功封一子艾亭侯至景和廢帝太宗嗣位  
時世祖諸子晉安王子勛等起兵內討袁愷與州  
郡皆起兵以奉之公曰吾受景寧異恩不可以無  
報乃同舉義兵太宗遣阮佃夫迎擊佃夫以書招  
公且喻主德昏悖天人弗格之意公察義軍不相  
統一恐無成理即答佃夫曰苟社稷安安人神宗  
焉吾不負景寧足矣遂奉表以降帝更為吳郡太



守泰豫中代還薨子三法曉法通法達

八世

法曉公寶雲公長子性疎弛好奕棊彈絃初與何承天相善孝建中授海陵令後封義亭侯秩滿永光中就除本郡丞子一隱雋

九世

隱雋公字德仕法曉公子少齒國子授三傳畧通大義起家補五兵曹佐遷太子家令初祖寶雲既降太宗以其子無在朝廷者乃擢雋為衛尉俄領龍驤將軍主行中兵叅軍事沈攸之之後詔齊高帝摠帥禦之以雋與荀元賓郭文孝等領兵貳萬乘


業輕舸以為犄角事平爵始興伯子三道宗道樂道

十世

十一世

十二世

十三世





十世

道樂公隱雋公次子仕齊以公主子選為郎海陵王延興中屢遷丹陽內史帝征虜入為都官尚書子三次茂次恭次芮

十一世

次茂公道樂公長子仕梁天監中罷東陽令還家以耕釣自娛沈約為於帝召還除丹陽尹丞轉昭明太子家令與張率對直文德待詔省子二答覺

十二世

答公次茂公長子幼能文賦詩多警策以諸生選為司徒左長史累遷散騎常侍大同中以柳惲為秘書監以公為少監嘗為東天竺賦以自况極為文士所傳誦子一寶惠

十三世

寶惠公答公子武帝末年擢為太學博士朱异用事議納侯景乃歎曰準將作矣謀還鄉諸父猶豫不决丁少監交歸時湘西侯蕭隱守歛辟起服為儀曹掾子五靈洗伯當天慶天頤天旺

十四世

十五世

十六世

十七世



十三世

寶惠

天慶

文曾

禹

伯當

文翼

俊

靈洗

文恭

琳

文和

敬

文秀

嚮

靈洗

文祭

真

文慎

文華

文禎

文季

天顧

文瑾

思

天旺

文瑤

同

詡

文愷

澄

文養

文竒

文肅

廉

文藻

元

文震

猷

文琮

文曉

文瓚

文瓚



十四世

靈洗公字玄滌寶惠公長子少以勇力聞日行二百餘里便騎射善游梁末海寧黠歛等縣及鄱陽宣城多盜賊近縣苦之公素為鄉里所畏服悉召里中少年聚徒據黠歛山險以拒羣寇前郡守張恒使捕劫盜每獲焉侯景別將攻新安太守湘西侯蕭隱奔依焉公奉以主盟孝元帝於荊州承制遣使間道奉表會劉神茂自東陽建義拒賊公與神茂相應授持節通直散騎常侍都督新安諸軍事雲麾將軍譙州刺史資領新安太守封巴西縣侯食邑五百戶神茂為景軍所破景將呂子榮進攻

新安公退保黠歛及景敗于榮退走公進軍建德擒賊將趙桑乾以功授持節散騎常侍都督青冀二州諸軍事青州刺史增食邑五百戶將軍太守如故仍詔公以所部下揚州助王僧辨鎮防遷吳興太守未行僧辨命公從侯瑱西援荊州荊州陷還都陳高祖誅僧辨公引兵來援夜襲石頭城公曰兵以夜至逆順未明遂率所領力戰於石頭西門軍不利高祖遣使招諭且疏僧辨過惡倒戈乃降高祖深嘉之紹泰元年授持節信武將軍蘭陵太守常侍食邑如故助防京口及平徐嗣徽有功除丹陽太守封遂安縣侯增食邑并前一千五百



戶仍鎮采石隨周文郁西討王琳於沌口明年與侯安都等歸詔兼丹陽尹出為高唐太原二郡太守仍鎮南陵遷太子左衛率高祖崩王琳潛軍東下公於南陵破之虜其兵士并獲青龍十餘乘以功授持節都督南豫州刺史兼領沿江諸軍事侯瑱等敗王琳於柵口公乘勝逐北據有魯山徵為左衛將軍天嘉四年周迪重寇臨川以公為都督自鄱陽別道擊之迪走山谷間五年遷中護軍出為持節都督郢巴武三州諸軍事宣毅將軍郢州刺史廢帝即位進號雲麾將軍華皎之反遣使召公時朝廷倚公為重聞有使旨中外恐懼公斬皎

使聞朝廷深嘉其忠增其守備給鼓吹一部因推心待之使其子文季領水軍助防是時周遣將胡公拓跋定率步騎二萬助皎攻圍公公嬰城固守及皎敗乃出軍躡定定不獲濟江以其衆降遂攻周沔州克之擒刺史裴寬以功進號安西將軍改封重安縣公增食邑并前二千戶復加司空兼丹陽尹卒贈鎮西將軍開府儀同三司謚忠壯大建四年論佐命功以公與周文郁侯安都方漢三傑俱配享武帝廟庭事載南史公性嚴急御下苛刻士卒有小罪必以軍法治之然號令分明與士卒同甘苦衆亦以此依附好播植勤耕稼至於水陸



所宜刈穰早晚雖老農不能及媵妾無游手並督  
之紡績至於散用貲財亦弗儉吝蓋其天性然也  
子二十二文季文禎文華文慎文祭文秀文和文  
恭文幹文翼文曾文肅文竒文謹文養文愷文瑤  
文琮文藻文震文曉文瓚

十五世

文季公字少卿靈洗公長子幼習騎射多幹畧果決  
有父風弱冠從父征討必前登陷陣靈洗與周文  
郁侯安都等敗於王琳高祖召陷賊諸將子弟厚  
遇之公最有禮容深為高祖所賞永定中累遷通  
直散騎常侍句容令世祖即位除宣惠始興王府

限內中直兵參軍是時王為揚州刺史鎮冶城府  
中軍事悉以委之天嘉二年除真毅將軍新安太  
守仍隨侯安都東討劉異黨向文政據有新安公  
率精兵三百徑往攻之文政遣其兄子瓚來拒公  
與戰大破瓚軍文政乃降三年始興王伯茂出鎮  
東州公復為鎮東府中兵參軍帶劔令四年陳寶  
應與劉異合又遣兵隨周迪出臨川世祖遣信義  
太守俞孝頃自海道襲晉安命公為之前鋒所向  
克捷寶應平公及父並有功還轉府諮議參軍領  
中直兵出為臨海太守尋乘金翅軍助父鎮郢城  
華皎平公與父功居最靈洗公薨公盡領父衆起



為紹武將軍仍助防郢州公性至孝雖軍旅奪禮而毀瘠彌甚大建二年宣為豫章內史將軍如故服闋襲封重安縣公隨都督張昭達率軍往荊州征蕭歸與周軍多造舟艦置青泥水中時水暴長漂疾昭達乃遣公潛道載輕舟襲之盡焚其舟艦昭達因歸軍士稍怠又遣公夜入其外郭殺傷甚衆既而周兵大出巴陵內史雷道勤拒戰死之以功加通直散騎常侍安遠將軍食邑五百戶五年都督吳明徹北討秦郡秦郡前江浦通涂水齊人並下大柱為柵柵水中公領驍勇拔開其柵明徹率大軍自後至攻秦郡克之又遣公圍涇州屠

其城進攻盱眙拔之仍隨明徹圍壽陽公臨事謹飭御下嚴整前後所克城壘率皆逆水為堰土木動踰數萬置陣後人必身先之夜卧早起迄暮不息軍中服其勤幹每戰必自為前鋒齊人深憚之謂為程虎以功加散騎常侍明威將軍增食邑五百戶又帶新安內史進號武毅將軍八年為持節都督譙州諸軍事安遠將軍譙州刺史其年又督北徐仁州諸軍事北徐州刺史餘如故九年又隨明徹北討於呂梁作堰事十年春自周歸至渦陽還長安忠死是時南朝與周絕不之知至德元年後主方知其的詔曰故散騎常侍重安縣開國侯



程文季纂承國緒克紹家聲早歲出軍雖非元帥  
啓行為最致果有聞而覆喪車徒允從黜削但靈  
洗之立功捍禦久而見思文季之埋魂異域有志  
可憫言念勞舊傷茲廢絕宜存廟食無使餒而可  
降封重安縣開國侯食邑一千戶以子嚮襲謚曰  
威悼侯二年再詔曰承聞北使故重安威悼侯程  
文季自脫虜廷乃心上國有願不足埋沒非所悼  
情失圖良深慨嘆可特贈開府儀同三司還爵為  
公事載南史子十二真嚮敬琳俊禹庶思璿同猷  
元

十六世


嚮公文季公次子襲封重安縣侯禎明中領兵戍京  
口丞相張悌素與儀同不相平任忠又惡公於悌  
悌言於後主罷兵歸朝子二翻詡

十七世

詡公字幼虞嚮公次子兄弟同授學於從父元而公  
操旨深謚不以世務經慮楊素蘇寬累辟不起大  
業末天下瓜裂還鄉里以經術教授羣盜往往釋  
兵來肄業焉公通五經尤喜於易著易論十卷有  
元亨利貞論為世所推子二公顯公顯



十八世 十九世 二十世 二十一世



十八世

公顯公詡公長子以客事齊王元吉府魏徵愛其為

人府罷出補長陵令徵在選部考第一代還遷大理評事久之試監察御史太子承乾之廢左遷括州別駕高宗即位遷中州刺史子二絢綸

十九世

絢公公顯公長子以蔭補太子左清道終於左馮翊司倉參軍子二南金南銳

二十世

南金公字楚貢絢公長子睿宗為相王以衛士事王府開元初鬱鬱不得志求外補授長陵令子二元皓元諫

二十一世



元諫公字仲幾南金公次子開元二十七年擢李岑榜進士選藍田尉累遷左著作即大理司直越騎都尉汾州巡官入為衛尉卿京兆少尹終於密州刺史所莅有政績子一季隨

二十二世 二十三世 二十四世 二十五世

西範 秉彝

元諫 — 季隨 — 繹 — 匡柔

音範 行褒

二十二世

季隨公字公執元諫公子侍郎李麟下擢進士第釋褐遷太平軍參軍事稍遷率府錄事安史猾夏避難江東永王璘請為司馬浙東辟使皆不赴韓滉鎮金陵奏為監察御史節度官郭子儀辟西安府掌書記轉殿中侍御賜緋銀魚罷入為膳部員外郎俄遷主客郎中出知括州徙潭州大都督府長史子一繹

二十三世

繹公字文純季隨公子以公主甥補千牛長史在安西以裨贊功除一子官試朝議郎京兆府功曹參



軍累遷朝散大夫行醴陵令以政尤異詔曰其官程繹誠感於人才適於時五陵豪傑絕雄張於里閉三輔孝悌弘禮讓於風俗京邑翼翼四方之則擢任繁重期於肅清可授長安令散官如故久之遷秘書省著作佐郎行高陵令子二西範昔範

### 二十四世

昔範公字子齊繹公次子兄弟幼孤自立力學能文元和十四年舍人唐承宣下擢進士第初未舉時著程子中謨三卷京兆尹韓愈一見深相器重為延譽於主司曰程昔範不合在諸生之下其年不第士論以為枉擢第後為集賢院正字從事涇原

軍大帥李逢吉為相時見其書特薦拜左拾遺朋黨事起坐李公之累堙厄累年子三秉彛匡柔行

### 二十五世

行褒公字谷神昔範公三子世亂家貧不能調官仕本郡為典籤叅軍子四諒幹纂翰女一瑩字淵靜有操守能詩適衡方厚方厚為邕州錄事叅軍方厚與招討使董昌齡數爭事方厚辭以不免即以死告卧棺中昌齡挾仇閉棺方厚久閉以爪攫棺爪盡乃絕瑩自徒行至都扣右銀臺門自刎陳寃行御史覈實昌齡誅死詔封瑩為武昌縣君



二十六世 二十七世 二十八世 二十九世



二十六世

慕公字思襲行褒公三子自號逍遙子註老子道德經列子冲虛經澹泊世味子四瓊璿玠瑞

二十七世

玠公字席儒慕公三子少喜任俠有膂力長更拆節讀書通左氏春秋戰國策孫吳兵法時天下瓦解慨然有不遇真主之嘆高駢鎮淮海周保鎮浙西皆格不赴子八洎汜潭澤灑湘淘汾

二十八世

灑公字仁功玠公五子英敏強毅州里敬服因黃巢亂衆推公為巖將依東密山為寨以禦之始擁衆



不過四百餘人戰却草寇畢鷄楊仙童李重霸孫  
端查臯陳儒范珠等四五萬衆是時隣近巖寨悉  
皆破亡獨公率勵鄉里撫以盡道故能得人之情  
雖甚疲病戰皆倍力公謂所在皆為賊守俱非至  
人獨立以待無所欵附他部賊兵皆相畏憚景福  
二年大尉楊行密遣田頔畧地列郡令人諭之曰  
大尉已受朝命都督東南行營今日頔來非賊也  
公對曰所以自保者不欲以三百年太平民坐為  
賊虜耳審如公言吾又何求田司空可得見乎頔  
因單騎入巖公具軍容甚肅頔曰卿真將種耶公  
因獻謀行密未果用即表陶僕射雅知歙州公為

副兵馬統帥檢校御史中丞依前東密巖將無領  
馬金嶺防拓等事夫人趙氏子三仲節南節仲繁  
仲節南節皆率性甲兵善調弓矢每出征賊為前  
鋒人稱真將種也賊平公卒仲節南節退隱於光  
化庚申正月二十四日自東密山收寨回歸黃墩  
其舊宅已遭賊恨焚蕩無遺寄居于從叔沈之家  
未幾因母舅趙琦倚公為時平定將回絆其二甥  
而行於是月二十七日同離黃墩故里至古城北  
夙湖乃琦舊家仲節居此南節卜居倍郭遂定家  
焉

按譜世傳湮祖夫人趙氏子三仲節南節仲



繁其仲節南節於光化庚申同母舅趙琦歸  
古城明年南節自古城遷倍郭宋丞相元鳳  
公撰古城宗祖墓銘云仲節南節於同光元  
年甲申遷海寧外家因歸古城明年南節又  
遷邑之倍郭二說不同今人多從碑本亨參  
看漢祖於乾符戊戌始禦巢寇至同光甲申  
越四十餘年因訛傳光化為同光庚申為甲  
申及攷通鑑同光甲申亦是二年蓋聲字相  
近而舛也亨不敢易從仍依舊譜以俟後來  
明者辨之噫李世黃巢擾亂天下賊寇蠡起  
漢祖當時傑士衆推為東密巖將保障新安


寇日削平盤氣未殄所居第宅致罹焚蕩漢  
亦隨卒於戲多男子即多懼也仲節兄弟思  
肇其居仲節遷古城南節遷倍郭仲繁遷浮  
梁又遷初門善和矣

初門善和譜謂仲繁居長又謂為戶部尚  
書由未之見古城倍郭二譜原傳仲節萬  
大公南節萬二公仲繁則居三矣其書官  
爵原無憑據森公云譜牒重事纂脩之責  
刊誤為先討論疏畧而隨聲附和訛以傳  
訛則是誣其祖矣空書浮文虛譽何如為  
子孫者可從實以傳實遺後以憑參考善  
哉修輯者宜以為戒



都使濬公之子長曰仲節萬大公次曰南節  
萬二公皆善甲兵騎射禦巢寇為前鋒人稱  
真將種也寇平濬卒故宅已被賊燹無遺時  
光化庚申仲節南節同母舅趙琦歸古城明  
年南節遷倍郭為倍郭始祖

二十九世 三十世 三十一世 三十二世 三十三世





二十九世

南節公行萬二副兵馬統帥檢校御史中丞無領馬  
金嶺防拓等事都使灃公次子幼驍勇善騎射有  
父風黃巢別部攻新安父灃起義兵保障州里公  
佐父累爲前鋒摧堅破銳人稱其真將種也寇平  
同母舅趙公而歸古城於天復改元辛酉卜居倍  
郭娶青州益都縣令曹公尚賢女有婦德助創基  
產事業維新子二懋文

三十世

懋公字文炳南節公長子守先世之爲規振舊家之  
事業嘗與子言汝祖臨終諭吾兄弟曰吾門世產  
豪傑忠義馳名初居倍郭人烟荒落生逢季世天  
下未定君臣迭更汝之兄弟謹當確守莫墜門風  
幸遺忠壯像譜牒畧記在耳都使容長兄仲節處  
子孫相近勿以疎間奉其訓戒遵守爲規後卒塋  
二都壕果娶東門劉氏卒塋壕果東路上洲子二  
蒲藻

三十一世

藻公懋公次子卒塋二都車田娶曹氏卒塋八都典  
村子二承訓承誨

三十二世

承訓公藻公長子自幼穎敏讀書未仕卒塋八都典




村娶夏氏卒葬同處子一繼學

三十三世

繼學公字克傳承訓公子性剛直言必信交必敬尊德尚義鄉邦稱之卒葬二都下富瑯娶汪氏卒葬二都壕果子一子華

三十四世 三十五世 三十六世 三十七世



三十四世

子華公繼學公子卒葬八都典村娶朱氏卒葬同處子三汝富汝貴汝弼

三十五世

汝富公子華公長子善琴書好清雅終老林泉卒葬二都上富瑯娶金氏卒葬二都車田子二龍鳳

三十六世

鳳公字儀鳳汝富公次子讀書樂道以德自高弗銜於世有古君子之風卒葬二都上富瑯娶張氏卒葬二都車田子二光廷光祖

三十七世



光廷公字朝聖號博齋鳳公長子宋嘉定元年鄭自誠榜進士擢羅山尉兼攝縣事金虜犯境多出方畧公屢戰屢克有羅山拒虜記辟差軍學教授虜犯光山公董兵赴援有援隣記趙方奏改京秩知羅山縣虜窺蘄黃方奏辟節制三關部軍策應歿於王事贈朝奉郎誥詞云爾三仕于邊終始一節周旋師旅事不辭難所謂為國忘家者也娶王氏卒塋上富瑯

光祖公字世聖號敦本堂鳳公次子天姿穎悟希聖賢之學負匡時之策試禮部終于辰州學正未盡展其所蘊惜哉買地塋學宮之旁娶金氏卒塋下

富瑯子一蘊

三十世

三十九世

四十一世

四十二世

必達

萬六

光祖 蘊

社賜

萬七

彌

三十八世

蘊公光祖公子蚤喪父得家學之傳克自樹立卒塋上富瑯娶吳氏卒塋同處子二必達社賜



三十九世

必達公行三十蘊公長子儀表魁偉重厚謹愨孝親睦族鄉閭彌敬卒塋下富瑯娶張氏卒塋同穴子二萬六萬七

四十世

仕龍公行萬七號存善堂必達公次子好義尚德溫恭儉讓卒塋壕果娶金氏卒塋上富瑯子一彌

四十一世

彌公字彌高行正一仕龍公子通儒無吏郡辟為令史後退隱避宋季之擾人彌其識進退之機而不趨勢利如此生於寶祐丙辰十月一日歿於至元

丁丑十二月十七日壽年八十有一塋八都典村子山午向娶查百萬女生於寶祐戊午正月十八日歿於元統甲戌七月初二日壽年七十有六塋同處子二太古學古

四十二世 四十三世 四十四世 四十五世

仕全

文達

文道

文美

文用

文通

遜卿

仕永



彌

太古

敬卿

仕亮

文震

仕斌

文郁

仕厚

文傑

仕和

文高

學古

顯卿

仕珍

文禮

四十二世

桂公字太古彌公長子性慷慨尚清白讀書有道避

亂於西鄉田舍日以吟詠自適歌曰草屋半間兮

與虎為隣采芝盈筐兮拾枯為薪知非樂土兮時

乎不辰哀此微生兮胡不為湯武之民有詩集生

於德祐乙亥正月二十三日歿於至正丙申十一

月二十日壽年八十有二葬二都車田乙山辛向

娶歙縣長敬嶺吳清輔朝議女生於至元丁丑三

月初二日歿於元統甲戌五月初八日壽年五十

有七葬八都典村癸山丁向續娶八都胡相輔女

卒葬董干子二遜卿敬卿



椿公字學古彌公次子號竹齋曠達不羈同兄事親  
撫子避亂西鄉常愛古器書畫重價收之生於至  
元戊寅十月二十三日歿於至正癸巳二月十六  
日壽年七十有六娶曹安輔女生至元丁丑四月  
初二日歿後至元庚辰壽年六十有四同葬二都  
董干丙山壬向子一顯卿

四十三世

巽公字遜卿行二太古公長子謹身慎行敦篤厚之  
風值季世遁跡山中與木石居

皇明一統復歸故址扁所居曰安分容齋學士朱楓林  
先生嘉其志爲文記之當時孫思傑吳漢臣陳自

新呂公大輦諸名公皆內交生於至元乙亥十月  
初七日歿於永樂丁亥九月初七日壽年七十有  
三公存日卜壽歲於八都曰上山佳城武林王文  
彬星源江光大皆爲題咏宣德八年改葬上富瑯  
辰山戌向娶金子吉女生於至元丙子三月初二  
日歿於永樂甲申四月十六日壽年六十有九葬  
南極宮癸山丁向子三仕全仕永仕亮

讓公字敬卿太古公次子自幼篤厚讀書好禮尤都  
藍渡謝雲三見重以女妻之因贅居藍渡生於至  
元戊寅三月初四日歿永樂丙戌八月十三日壽  
年六十有九葬八都典村癸山丁向謝氏生於至



元戊寅正月二十四日歿永樂戊子壽年七十有一  
一塋同穴子三仕斌仕厚仕和

祐公字顯卿學古公長子幼有志操讀書以圖進取  
值時不偶隱居西街生於至元丙子九月初七日  
歿永樂乙酉十二月初二日壽年七十塋楓林園  
庚山甲向娶汪氏生於至元戊寅八月初九日歿  
於永樂己丑六月十八日壽年七十有二塋董干  
丙山壬向子一仕珍

四十四世

周祖公字仕全行禮一遜卿公長子鹽商于浙平生  
好善在浙齋施千僧至今人咸道之生於至正

正丙午七月二十一日歿永樂壬辰三月初五日  
壽年四十有七塋上富瑯乙山辛向娶任兩淮運  
司判官查允中女三從四德既備生洪武戊申二  
月二十日歿正統戊午八月初三日壽年七十有  
一塋同處子二文達文道

壽祖公字仕永行禮三遜卿公次子襟懷灑落如水  
壺秋月尤篤信義心平恕行嚴整凝然古君子初  
父作室于瑞芝坊後又營新第于東隅命公居之  
閱一寒暑公弟不樂察知遂以新第讓頤還舊室  
篤全友愛其德可見矣晚景喪明寬然餘裕生於  
洪武戊申五月二十三日歿宣德壬子十月十四



日壽年六十有五葬南極宮壬山丙向娶歙縣鄭村鄭玄先生女性賢明事舅姑與鷄俱興凡濯烹之事必躬爲之不任僕妾閨門咸相取法勤於輔相終始一意故克振其家皆由德之所致生於洪武辛亥七月二十三日歿於景泰乙亥三月二十六日壽年八十有五葬同穴子三文義文用文通音祖公字仕亮行禮四遜卿公三子耿介剛毅性愛華居生洪武癸丑正月二十四日歿正統戊午七月初九日壽年六十有六娶汪德卿女生洪武癸丑五月十六日歿正統辛酉二月初三日壽年六十有九同葬八都典村癸山丁向子一文震

武祖公字仕斌行禮二敬卿公長子身長八尺性雖剛毅而心實公平鄉里敬服生洪武戊申四月初四日歿宣德乙卯八月二十日壽年六十有八葬八都典村癸山丁向娶十都渠口汪漢卿女生洪武庚戌九月二十六日歿正統丁巳壽年六十八葬同處子二文惠文儼


齊祖公字仕厚行禮五敬卿公次子爲人超卓尚節好禮生洪武癸丑六月初九日歿正統癸亥三月十二日壽年七十有一娶陳正鄉女生洪武壬子十月十八日歿正統乙丑壽年七十有三同葬九都藍渡後干巳山亥向子文傑文遠



真祖公字仕和行禮七敬卿公三子事親母遠處朋  
 有信生洪武庚申十一月二十日歿景泰辛未壽  
 年七十有整典村子山午向娶朱永卿女生洪武  
 戊午二月初一日歿宣德丙辰六月初三日壽年  
 五十有八葬同處子二文秀文高  
 振祖公字仕珍行禮六顯卿公子克己處衆勁直不  
 阿事事必循矩度生洪武戊午十月十一日歿正  
 統甲子壽年六十有七葬二都董干壬山向娶汪  
 天童朝議女生洪武戊午四月十六日歿正統己  
 巳正月初八日壽年七十有二葬同處子二文禮  
 文稀

仕全公二子長文達次文道列為二圖

四十五世 四十六世 四十七世 四十八世





文達

以高

宗仁

耀

宗智

暘

以茂出費唐源金昆

以芳

宗禮

晟

四十五世

生字文達行文三仕全公長子閒逸嗜飲創業固難

守成不易生洪武癸酉二月二十六日歿正統己

巳六月十六日壽年五十有七娶張仲祥女生洪

武丙子九月十七日歿成化己丑二月十一日壽

年七十有四同葬下富瑯乙山辛向子四以清以

高以茂以芳

四十六世

隆字以清行行一文達公長子性度魁宏志立綱紀

復創基產事業維新居于邑西有光前烈生永樂

戊戌五月二十二日娶高厚令史孫女相夫教子



婦道克全生永樂丁酉十二月二十六日子四宗  
榮宗華宗富宗貴

高字以高行行三文達公次子孝友和睦商於池陽  
有為有守生永樂庚子八月十八日娶查忠女生  
永樂 子二宗仁宗智

興字以茂文達公三子出贅唐源金昆

景字以芳行行四文達公四子生宣德丁未七月初  
十日歿成化癸巳五月十三日壽年四十有六葬  
八都典村亥山巳向娶鄭氏生永樂壬寅四月初  
九日子一宗禮

四十七世

士字宗榮行忠一以清長子經營獲利助父成家生  
正統乙丑七月二十一日歿成化甲辰九月二十  
日壽年三十有九塋下富瑯乙山辛向娶張起俊  
女生正統己巳九月十二日子一旺

實字宗華行忠二以清次子生景泰庚午二月二十  
四日娶葉富宗女生景泰庚午十月初九日子一  
皓

富字宗富行忠四以清三子生天順丁丑正月初十  
日娶許興德女生天順丁丑正月二十一日早卒  
續娶夏餘與女子一杲

貴字宗貴行忠五以清四子生天順丁丑正月初十



日娶譚永寧女生景泰壬申正月初三日子一曉  
乞字宗仁行忠三以高長子生景泰甲戌九月

馬字宗智行忠八以高次子生天順壬午十月

禮字宗禮行忠六以芳子生天順丁丑十一月

四十八世

旺行信一宗榮子生成化辛卯三月初六日娶汪永  
文女生成化乙未三月

皓行信三宗華子生成化庚子十一月二十日聘葉

杲行信十四宗富長子生弘治辛亥九月

曉行信二宗貴長子生成化庚子九月十四日聘劉

曜行信五宗仁長子生成化甲辰五月

驪行信七宗仁次子生成化丙午五月



賜行信四宗智長子生成化甲辰四月

曇行信十三宗禮長子生弘治辛亥七月

四十五世 四十六世



四十五世

貞字文道行文七仕全公次子讀書尚義假館授徒  
居隱西鄉生永樂乙酉



四十六世

雲真字大成行行四文道公長子性直不阿生宣德  
辛亥七月

奉真字大林行行六文道公次子有剛有柔善應庶  
務生正統丁巳二月

顯真字大旺行行十三文道公三子事親悌長必盡敬

誠生景泰癸酉十二月初四日娶



仕永公三子長文義次文用三文通列為三圖

四十五世 四十六世 四十七世

德耀 早亡

文義

正珣

德輝

四十五世

佳字文義行文一仕永公長子幼承庭訓仁以宅心  
禮以律身毋矯行毋惰容孝親友第敬長慈幼德  
行俱見行狀墓表生洪武己巳九月十八日歿景  
泰壬申十二月十八日壽年六十有四塋南極宮  
亥山巳向娶萬川閔德鎮長女有賢行生洪武丁  
卯六月二十一日歿天順己卯十月十三日塋上  
富瑯乙山辛向側室項氏生永樂戊子三月二十  
三日歿成化丁酉正月十三日塋八都陵村子山  
午向子一德輝

四十六世

玉字德輝行行五文義公之子蚤克自立修身慎行




之道治家紹業之方嘗痛親歿弗克終養思慕不  
忘事上逮下和氣滿容所傳先世文翰集錄成冊  
曰家藏文墨生宣德甲寅六月初一日娶汪希美  
女生宣德癸丑閏八月初六日女五俱適名家側  
室李氏景泰庚午十一月十一日子一瑜

四十七世

瑜字正珣行忠十五德輝子生成化丙申十二月十七  
日聘城南夏以生女

四十五世 四十六世 四十七世 四十八世





萬頃

正奇  
正茂  
正宥

四十五世

應字文用行文四仕永公次子干姿魁偉超卓不羣  
潛心于學不樂仕進事實行狀墓銘具載可見矣  
生洪武辛巳十一月初三日歿成化己亥八月十  
七日壽年七十有九塋八都陵村壬山丙向娶萬  
川吳永任女慎終懿行所事多資其功生洪武壬

午九月二十四日歿天順癸未八月初一日塋同  
穴側室徐氏生宣德丙午四月初三日畢氏生永  
樂丙申正月十五日子三萬鍾萬春萬頃女三俱  
適名家

四十六世

梅儼字萬鍾行行九文用公長子性淳謹事親夔夔  
友弟于于以謙接物以禮待人嘗干

朝之名公詩文以光親德季父勉其進學扁其堂曰春  
風堂生正統丁卯八月十日娶汪彥從女生正統  
丁卯九月十九日子二正大正儀

梅童字萬春行行十文用公次子丰標瀟灑迥超俗



流生正統戊辰七月二十五日娶汪希潤女生正  
統乙丑十月二十二日歿成化癸卯八月二十日  
葬南極宮亥山巳向續娶吳武宗女生景泰癸酉  
五月二十二日子二正衡正明女一

頃字萬頃行行十四文用公三子性爽愷善應庶務生  
天順丁丑五月二十七日娶秦安州知州施公守  
正女生景泰乙亥閏六月初四日子三正奇正茂  
正宥女三

四十七世

珏字正大行忠九萬鍾長子生成化己丑六月初五  
日娶萬川吳益清女生成化庚寅七月二十八日

室字正儀行忠十二萬鍾次子生成化辛卯六月十  
九日聘吳文高女子三昂昆冕

璣字正衡行忠十一萬春長子生成化己丑十月二  
十九日娶金以恭女生成化丁亥十月二十二日  
子一暹

珊字正明行忠十九萬春次子生成化辛丑二月初  
三日聘夏顯祖女

璋字正奇行忠十六萬頃長子生成化丁酉十月十  
八日聘吳

琳字正茂行忠二十萬頃次子生成化辛丑七月二



十九日

赦字正宥行忠廿二萬頃三子生弘治辛亥五月十

六日

四十八世

旻行信十一正大長子生弘治辛亥三月十五日

暹行信十正衡長子生弘治庚戌十一月初五日

四十五世 四十六世 四十七世 四十八世

正信

鎮 鏞 銘

正澤

正祥

德勝

正道

文通



德春

正重

四十五世

亨字文通行文五號友雲仕永公三子力學不仕同里令尹方公景通狀其實

南京員外郎丁公鳳儀銘其墓邑令陳公時安重其詩文嘗相倡和數顧其門附錄左方生平德行

可見矣所撰詩文曰友雲集生永樂甲申正月二十六日歿成化戊戌七月十二日壽年七十有五葬八都陵村癸山丁向娶汪永恒女慎修婦道生洪武庚辰二月二十六日歿成化癸巳六月初一日壽年七十有四葬車田乙山辛向側室唐氏生永樂辛卯八月十八日歿成化丁未正月十一日葬南極宮亥山巳向子二德勝德春女一適名家

四十六世

才字德勝行行七文通公長子敦厚周慎鍊達時宜孝親友第重義輕財家聲固守以亢宗英生正統己未七月十九日娶金用節女有淑德賢行慎修



婦道生正統己未七月初八日歿成化乙未六月  
十三日葬八都上山壬山丙向續娶汪以成女生  
正統己未十二月二十八日子四正信正澤正祥  
正道女一

廣字德春行行十一文通公次子清雅善言江湖稱  
重生正統戊辰九月初三日娶王以端女生正統  
戊辰三月初三日側室朱氏查氏子一正重女二

四十七世

璽字正信行忠七德勝長子生天順辛巳四月二十  
日娶金鑾女生天順丁丑十月初九日生子二鎮  
鏞

瑛字正澤行忠十德勝次子生成化己丑十月十二  
日娶五城黃思魯女生成化丙戌十二月十四日  
亥時

璿字正祥行忠十四德勝三子生成化癸巳九月二  
十日聘丁志明女

璵字正道行忠十八德勝四子生成化戊戌十一月  
十日聘劉濟民女

珍字正重行忠廿一德春子生弘治戊申二月二十  
四日

四十八世

鎮字鉅山行信六正信長子生成化甲辰七月初七



日聘王彥真女

鏞字鉅聲行信九正信次子生弘治庚戌四月二十

四日

銘字鉅行信正信三子生弘治壬子十一月初

四日

鎬字鉅行信正信四子生弘治乙卯正月初五

日

仕亮公一子文振列為一圖

四十五世 四十六世 四十七世

德寬 瑄

文振

德寧

四十五世

祥字文振行文九仕亮公之子存心愛物處已待人



生永樂丙戌十一月十六日歿天順戊寅七月二十三日壽年五十有三葬上富瑯辰山戌向娶葉德女生永樂丁亥三月初六日歿成化己丑壽年七十有葬下富瑯乙山辛向子二德寬德寧

四十六世

杜觀字德寬行行八文振公長子自幼辛勤有志弗遂生正統丙寅十月初六日歿成化乙未五月十一日壽年三十葬下富瑯乙山辛向娶宋清女生乙丑六月初三日子一瑄  
杜保字德寧行行十二文振公次子生景泰壬申九月十七日早卒

仕斌公二子文郁文祥列為二圖居藍渡

四十五世 四十六世

雲義

文郁

雲留

四十五世

巖憲字文郁行文十一仕斌公長子生永樂己丑二月十二日歿成化乙酉九月初四日葬典村娶水南呂肖女生永樂己丑四月十六日沒某年月日



子二雲義雲留

四十六世

雲義行六文郁公長子生宣德乙卯三月某日  
雲留行八文郁公次子生

四十五世 四十六世

雲端

文祥

雲興

四十五世

巖福字文祥行文十二仕斌公次子生永樂癸巳六月十一日歿某年月日葬典村

四十六世

雲端行九文祥公長子生

雲興行十文祥公次子生

仕厚公二子文傑文遠列為二圖 居蓋渡

四十五世 四十六世

惠盛

文傑

惠茂



四十五世

巖傑字文傑行文十四仕厚公長子生永樂乙未七月十五日歿成化丁酉四月初二日壽年六十有三葬典村娶八都許存仁女生某年月日子二思盛思茂

四十六世

思盛行八文傑公長子生正統乙丑六月初一日

思茂行十二文傑公次子生景泰辛未八月二十五日

四十五世

四十六世

四十七世

文遠

思宗

承祖

四十五世

巖生字文遠行文十五仕厚公次子生永樂壬寅正月月初十日娶十都渠口汪義女生永樂癸卯四月初二日子一思宗

四十六世

思宗行十七文遠公之子生天順乙酉二月二十三



日娶唐源金士清女子一承祖

四十七世

承祖行廿三思宗長子生

仕和公二子文高文秀列為二圖居藍渡

四十五世 四十六世

文高—雲賜

四十五世

巖嵩字文高行文十仕和公長子生永樂丁亥十月十四日歿成化己丑三月某日壽年六十有三葬藍渡後干娶王以順女某年月日子一雲賜

四十六世

雲賜行十二文高公之子早卒

四十五世 四十六世

文秀—雲祖

四十五世

巖俊字文秀行文十三仕和公次子生永樂甲午九



月十三日歿天順己丑九月某日壽年四十有五  
葬藍渡後干娶陳氏生某年月日子一雲祖

四十六世

雲祖行廿六文秀公之子生

仕珍公二子文禮文希列為二圖

四十五世 四十六世

杜儼

文禮

杜儼

四十五世

天賦字文禮行文二仕珍公長子情懷杜儼孝悌怡  
愉生洪武壬申十月初一日歿成化甲午三月初  
七日壽年八十有三葬董關娶萬川吳士華女生  
洪武甲戌九月初九日歿景泰丙子五月初四日  
壽年六十有三葬同處子二杜儼杜茂

四十六世

杜儼字勢華行二文禮公之子生永樂戊戌十一月  
初十日歿成化庚子八月十二日壽年六十有三  
葬董干娶六都余氏生宣德戊申四月十六日



四十五世 四十六世

文希 杜元保 早卒

四十五世

天福字文希行文八仕珍公次子生永樂丙戌六月  
二十三日歿景泰丙子四月初五日壽年五十有  
一 塋董關壬山丙向娶汪天童女生永樂丁亥九  
月十九日歿某年月日子一杜元保



四十六世

四十七世

四十八世

萬鍾

正大

正儀

昆

昂

冕

四十七世

室字正儀行忠十二萬鍾次子生成化辛  
 卯六月十九日孝親睦族恪守祖規以業起  
 家富望六邑週急貧親鄉稱善士享年  
 六十有二卒葬陽村迂壬丙向聘娶柏墩吳  
 文高女子三昂昆冕

四十八世

昂字熙肇長子生弘治庚戌年性淳有禮畏下有  
 威娶古川王君寵女賢淑內助合葬南極宮子二齊



高

昆字興吾生弘治十三年勤讓克己舉業不第娶汪女

卒葬富鄉無傳

冕字三友四海有聲享年五十有二卒葬小東門外己亥向

娶水南張天琦女無傳

四十七世

四十八世

四十九世

五十世

昆無傳

齊

有孝

正儀

昂

冕無傳

高無傳齊次子繼

有義

四十九世

齊字瑞佩昂長子生弘治庚戌年九月二十一日追

贈徵仕郎永清左衛經歷司享年七十有七娶汪氏

贈孺人合葬八都蓮花心子二有孝有義

高字日昇昂次子生弘治甲寅年四月初六日襟懷

瀟灑有才幹不願仕進佐兄於永清之幕娶吳氏

享年六十有一歿于嘉靖甲寅年九月二十一日

萬曆元年葬城北朱紫巷并乾巽向繼子有義

五十世

有孝字思渠生嘉靖乙丑年三月初九日由吏考授



永清左衛經歷司經歷勤勞幕府經理吏職弘道  
公務軍民賴焉仕任九載享年六十有八娶金氏  
合葬西鄉陽村子嗣望

有義字敏季生嘉靖戊辰年八月十九日勤讓克己  
舉業不第娶倪氏荃富瑯子一嗣旦

五十一世 五十二世 五十三世

四

五十世

五十一世

五十二世

五十三世

大任

有孝

嗣望

大堅

延祚



五十一世

嗣望字耀光生萬曆二十一年正月十二日博學有聲無意仕進享年四十有五娶陳氏勤勞婦道治家有禮享年八十有一合葬南干店子二大堅大任

五十二世

大堅字益祥生萬曆三十九年六月十五日娶城北朱氏歿康熙二十一年二月卒葬楊村子一延祚

大任字益元生萬曆丁未年八月初二日歿康熙辛酉年正月二十一日娶金氏七十有五合葬後果

五十一世

五十二世

五十三世

五十四世

有義

嗣旦

大順

世遠

大倫

世遇

大有

世進

世起

五十一世

嗣旦字平仲生萬曆甲申年正月十六日享年三十有七端方禮勤儉操守娶汪氏生萬曆癸巳年十一月二十六日享年三十有七卒葬東門外董干子三大倫大順大有



五十二世

大倫字益能生萬曆丁未年六月初一日孝親睦族恪守祖訓娶汪氏享年七十有五卒塋富瑯子二世遂世遇

大有字益之生萬曆二十二年九月二十一日幼好讀書文如行雲舉進士第入太學善鼓琴色有弟子數人與公為晚年樂遊山水性耽劉伶之勸嚴訓諸子生業尚方有禮娶汪氏副娶亦氏克湘夫子享年六十有八卒塋富瑯近丙山任向祖塋之側子二世起世逢

大順字益昌生萬曆乙卯年三月初七日有志於世克勤家聲尊守守父業享年四十有九歿康熙癸卯年六月初八日卒塋小東門丑未向娶萬川黃氏

五十二世

五十三世

五十四世

五十五世

大堅

延祚

富賓

陽耀

陽煥

陽炳

道賓

陽焯




五十二世

五十三世

五十四世

五十五世



五十二世

世遂字百川生崇禎癸卯年六月初七日歿于雍正六年四月初二日娶萬川呂氏合葬小東門外四子國機國樞國權國楊

五十四世

國樞字天如生康熙元年癸酉月十八日娶小閣金氏享年五十有年卒葬車田子一祖珍

國權字振衡生康熙八年七月二十九日娶吳氏歿雍正甲寅年八月廿八日卒葬富瑯子一祖瑞

五十三世

世遇字仲英生崇禎丙午年九月初十日享年六十有四娶高門汪氏卒葬楊村子一國炳



五十四世

國炳字輔臣生康熙丁丑年十月十一日歿雍正丙午年娶西門外胡氏葬東門外毫果子一繼祖

五十二世

五十三世

五十四世

五十五世

大有

世起 國柱

世遙

國賓

祖瑛

祖珠

祖球

五十三世

世起字子高生順治三年正月初七日享年六十有九娶

林源余氏葬車田子一國柱

世遙字子榮生順治戊戌年二月初一日性慈樂善怒不

獻于顏色治家有道待族有禮克勤為生言無妄發

鄉黨稱為善士歿<sup>康熙</sup>壬寅年十二月十五日娶朱開甫女

生康熙乙巳年正月二十一日歿雍正戊申年八月二十

八日合厝董干子一國賓



卷之三

傳芳明錄



卷之三



